

Admiral

BRANKO MAMULA

## *Nagrada „22. decembar“ simbolizuje jedinstvo vojne nauke i prakse*

Imam priyatnu dužnost da, u ime saveznog sekretara za narodnu odbranu, predam Nagradu »22. decembar« zaslužnim stvaraocima i starješinama naših oružanih snaga.

Ova naša najviša godišnja nagrada dodeljuje se kao znak priznanja autorima i starješinama za naučno stvaralaštvo iz oblasti vojnih nauka, za pronalazaštvo, za uspješno rukovođenje i komandovnje jedinicama oružanih snaga.

Značaj ovogodišnje Nagrade »22. decembar« je utoliko veći što se dodjeljuje u jubilarnoj godini rođenja Jugoslovenske narodne armije. Zato se s pravom može reći da ona na najbolji mogući način simbolizira kontinuitet jedinstva naše nauke i prakse, od Rudog do danas, i originalnu primjenu Marksove teorije naoružanog naroda u Titovoj revolucionarnoj praksi.

Za nama je ostao relativno kratak, ali po postignutim rezultatima u razvoju vojnonaučne misli, veoma buran i plodan period, koji je bio naročito intenzivan u posljednjih deset godina. To je bio period intenzivne razrade naše koncepcije, doktrine, strategije i razvoja materijalne osnove oružanih snaga, u kojem su ostvareni rezultati koji, pored teorijske, imaju i izuzetnu praktičnu vrijednost strategijskog i taktičkog nivoa.

Posebno značajnom može se smatrati činjenica što se, u mjeri u kojoj se vršilo i vrši područjstavljanje općenarodne odbrane, sve više širi broj naučnoistraživačkih ustanova i naučnih radnika koji se bave i istraživanjima iz raznih područja općenarodne odbrane. To znači da će i naš svakodnevni budući rad sve više biti zasnovan

na naučno verificiranim saznanjima. To je u skladu s općim trendom razvoja nauke i porastom njene uloge i značaja u svim oblastima društvenog života. Nauka je relativno davno postala neposredna proizvodna snaga, a time ne samo najvažniji faktor društvenog razvitka nego i presudan elemenat jačanja odbrambene moći.

U našoj društvenoj i vojnoj teoriji i praksi odbrambena funkcija je postala jedna od trajnih i najznačajnijih samoupravnih funkcija svih društvenih subjekata. To još više ukazuje na potrebu neprekidnog izučavanja naročito onih pitanja općenarodne odbrane koja najneposrednije i najbrže podižu odbrambenu snagu zemlje i usmjeravaju njen razvoj u skladu sa objektivnim potrebama društva. To se, prije svega, odnosi na pitanja daljeg i još intenzivnijeg istraživanja oružane borbe u općenarodnom odbrambenom ratu, istraživanja sredstava ratne tehnike koja odgovaraju našem načinu vođenja rata i oružane borbe, izučavanja svih relevantnih elemenata ratnoekonomskog potencijala i, naročito, istraživanja sredstava, oblika i načina organiziranja društvene samozaštite koja čini organisku cjelinu sa sistemom općenarodne odbrane, što sve više postaje predmet naših istraživanja i sadržaj praktičke djelatnosti u našem svakodnevnom radu. Pred otvaranjem smo zajedničkih općedruštvenih projekata daljeg istraživanja i unapređenja koncepcije i doktrine općenarodne odbrane i društvene samozaštite, njenog još potpunijeg područjavanja i organiziranja oružane borbe i otpora na najširim osnovama. Upravo se ovih dana završavaju rasprave o noveliranju strategije oružane borbe koja treba da odgovori zahtjevima sve efikasnijeg povezivanja sa društvenom samozaštitom, modernizaciji i povećanju ukupne moći oružanih snaga, a posebno značajnom jačanju teritorijalne odbrane, usavršavanju sistema rukovođenja i komandovanja u skladu s novim saznanjima i dostignućima u oblasti ratne vještine.

Osnovni cilj istraživanja i rezultati koji se očekuju treba da našu ratnu vještinu i doktrinu općenarodne odbrane učine superiornijom nad doktrinom i ratnom vještinom svakog mogućeg agresora. Upravo zbog toga su i naši zahtjevi prema nauci sve veći i sve složeniji, što je srazmjerno njenoj sve značajnijoj ulozi koju ima u pripremi i vođenju općenarodnog odbrambenog rata.

Dosadašnji razvoj vojno-političke situacije i sve izrazitiji antagonizam interesa, naročito između zemalja podijeljenih u dvije najveće vojnoblokovske grupacije, neprekidno potvrđuju ispravnost i strategijski značaj naše davnašnje odluke o oslanjanju na sopstvene snage u izgradnji oružanih snaga i našeg društva. Ta odluka ni u vrijeme kad je donijeta, ni sada ni ubuduće nije imala, nema i

neće imati alternativu. Takvo saznanje je bilo i ostalo jedan od osnovnih razloga zbog kojih naučni prilaz rješavanju problema jačanja odbrambene moći sve više postaje sastavni dio našeg mišljenja, opredjeljenja i ponašanja. I to je ono što je, vjerojatno, najpozitivnije u strukturi naše naučne svijesti.

Polazeći od uloge nauke u ukupnom razvoju društva i posebno oružanih snaga, vi ste svojim entuzijazmom i stvaralačkim odnosom prema radu na najbolji mogući način doprinijeli ostvarivanju odluka Desetog i Jedanaestog kongresa SKJ i stavova i zahtjeva druga Tita o zadacima svih subjekata našeg socijalističkog samoupravnog društva na daljem neprekidnom jačanju naše odbrambene snage. Stoga nagrađenim drugovima sa osobitim zadovoljstvom predajem Nagradu »22. decembar«, želeći im uspjeh u daljem radu.